

**ONTŌNS  
SLIŠĀNS**

**REĢISORANTS**

**ILUSTRĒJS  
PĪTERS GLEIZDĀNS**



© O.Slišāns. Teksts.

© P.Gleizdāns. Ilustrācija.

© A.Rancāne. Lobājumi, pēcvārds.

**ONTŌNS SLIŠĀNS**

**RAIBĪ**

**PANTI**






# RAIBĪ PANTI



SAĪT BĀRNI MOZI, LYLI,  
SAĪT SOVĀ BARENĪ;  
VĪNAM JŪKI, ŪTRAM SMĪKLI,  
VYSIM KŪPĀ PANTENI.  
MARI SABRAUCE AR KARI,  
PRANKI SAMEIDĒJA TANKI,  
ZEPI SASĒJA KŌ REPI,  
ĻUCI GANĒJA KŌ VUCI.  
JŌNI, JŌNI, KŌDI TOVI SŌNI?  
TANI, TANI, NAPALĪC PAR GANI!  
ALI, ALI, NAĒD VARDES GALI!  
JURI, JURI, KUR TU RŪKAS TURI!  
VENE, RENE, ANTE, ZOSE—  
VYSAS VĪNĀ BOLSĀ KŌSEJ.  
VACLOVS, TANCLOVS, JEZUPS, JŌŅS —  
VĀCŪS BŌBU MŌŅS.  
ROZSKRĪN BĀRNI LYLI, MOZI,  
ROZSKRĪN SOVŪS SĀTMAĻŪS.  
PALĪK SMĪKLI, PALĪK JŪKI,  
PALĪK RAIBĪ PANTENI.



# SKAITAMGOBOLS

ANINI, BANINI, SIKELA, SŪ,  
ANINI, BANINI, TRAPCS.  
SASKRĒJA BĀRNI POGOLMĀ,  
NU – GŌJA VALĒ TRACS.  
VĪNINE, ŪTRINE, TREŠINE, DŪ,  
ZEBERA, DEBERA, STOP.  
KUSTĒJA VYSI, ĻUSTĒJA –  
I GŌZĒS VŌRTU STOBS.  
ŠISTIKI, MISTIKI, AR, VAI, LAI KŪ,  
KULIKI, VENIKI, PUCS.  
VACĪSTĀVS ĪGŌJA POGOLMĀ,  
AIZKLĪDZE: KURAM NĪZ DUPCS? –  
ODORA, BODORA, KALETA, MŪ,  
SARINI, MARINI, ZAČS.  
ROZBĀGA BĀRNI NU POGOLMA,  
PALYKA VACTĀVS VĪNS PATS.







# PUTREŅVĒRDI

VĒRU, VĒRU PUTRENI,  
PĪCI MYLTI KATLENĪ,  
PĪCI MYLTI KATLENĪ,  
PĪCI OZBARENI.

IZVARD PĪCAS BĻŪDEŅAS  
GORDAS, GORDAS PUTREŅAS.

ATĪT PAĒST PUTREŅAS  
PĪCAS MEITINEITES.


NU IR PYLNI VĒDERENI


PĪCOM MEITINEITEM,  
NU AUGS LYLAS, LYLAS

PĪCAS MEITINEITES.

NU BYUS JŌŠYUN JAUNAS  
PĪCAS RAIBAS KLEITEŅAS.







## **BURAMĪ VŌRDI**

PLĀŠKU, PLĀŠKU,  
BURU, BURU —  
DĪVS LAI RADZ,  
VAUŠS LAI DZĒRD...  
PLĀŠKU, PLĀŠKU,  
BURU, BURU —  
ŠKĒRGOTS RŌPOJ,  
BYUDUZS LEIN ...  
PLĀŠKU, PLĀŠKU,  
BURU, BURU —  
TU ZAUDĒJI,  
ES UZVARU!








## RĪPAMĪ VĒRDI

AKMINS, KAULS, MYLTI —  
APRĪPU, APRĪPU, APRĪPU.  
PAZUST NU ITŌS VĪTAS —  
APRĪPU, APRĪPU, APRĪPU.  
SUŅAM CAUR ZŪBIM,  
CAUR VĒDERENI —  
APRĪPU, APRĪPU, APRĪPU.  
PAR OSOKU PALIKT  
TEIRUMA MOLĀ, AKMIŅKROSTĀ —  
APRĪPU, APRĪPU, APRĪPU.



# **KAS ZEMEITI APDZEIVOJ?**



KŪRMUĻS KŪRMUĻOJ,  
ZEMESVĒZS TARKŠYNOJ,  
ŠLĪČI ŠLĪČYNOJ —  
TĪ ZEMEITI APDZEIVOJ.

KAS VĒĻ?

PELEITE PELEREJ,  
VABALE RŌPUĻOJ,  
KŌPURS KŌPUROJ,  
TĪ ZEMEITI APDZEIVOJ.

KAS VĒĻ?

SĒKLEŅAS SEJOJĀS,  
SAKNEITES SAKŅOJĀS,  
RŪCINI RŪCIŅOJĀS —  
TĪ ZEMEITI APDZEIVOJ.


KAS VĒĻ?

SMIĻŠGRAUDENŠ VĒJOJĀS,  
AKMISTENŠ VŌĻOJĀS,  
IUDISNENŠ IUDISŅOJĀS —  
TĪ ZEMEITI APDZEIVOJ.

KAS VĒĻ?

KŪ ZYNOM TŪ SOKOM,  
KŌ NAZYNOM,  
TŪ MYNOM. —  
KAS ZEMEITI APDZEIVOJ ..?





## LIDŪNEIŠI



LIDU, LIDU, LIDŪNEIŠI,  
OK, I JYUSU DAUDZI...  
VOI MAŅ JYUSUS SASKAITĒT?  
— PAMĒGINŌSIM!  
PUTEKLĒITS LIDOJ,  
PUTEKSNEITS LIDOJ,  
SPAĻVEŅA LIDOJ,  
MOSOLAS LIDOJ,  
ŪDI I MYUSAS,  
I VABALES LIDOJ.  
LIDOJ I TAURINEIŠI,  
I PUTNI LYLI I MOZI.  
I SIKSPŌRNI LIDOJ.



LIDOJ LIDMAŠINES.  
KOSMISKĪ KUĢI,  
RAKETES...  
ES TŌ NARADZU GON,  
BET SOKA – I SKANE LIDOJ,  
I GAISMAS STARENŠ,  
I MUNA DŪMA...  
LIDU, LIDU, LIDŪNEIŠI,  
OK, I JYUSU DAUDZI...  
KŌ MAŅ JYUSUS SASKAITEIT,  
KA PATS NALIDOJU?





# PAVOSORAS JĒRENI


BOLTĪ JĒRENI – PYUPULENI,  
VEITULĀ SAKŌPUŠS, MIZEŅU GRAUŽ  
SAULEITE, SIRDEIGA PAR TŌDU NADORBU,  
BITINES PALEIGĀ SAUC.

CIKAM BITINES SPŌRNEŅUS SYLDA,  
CIKAM TEIRA I KŌRTEIBU VAD,  
BOLTĪ JĒRENI MIZEŅU GRAUŽ  
JAU BLEIGZNĀ I KŌRKLU KRYUMĀ.

CIKAM BITINES CEĻA MEKLEJ,  
SAULEITE STORU REIKSTES MAT;  
TOVU BREINUMU, TOVU JAUKUMU –  
BOLTI JĒRENI ZALTAINI TŪP!

NU I BITINĒM IR KŪ DARĒT;  
JĒREŅU MUGORŌS ZALTU VŌC,  
JĒREŅU MUGORŌS DZĪSMI SŌC,  
JĒREŅU MUGORŌS SOKA VOSORAI – NŌC!






**NU  
NAV  
LABI  
POGOLMĀ**




NU NAV LABI!  
NU NAV LABI! —  
SUŅS AR KAČI ĪNAIDĀ;  
OBI PLĒŠĀS,  
OBI GRĪŽĀS,  
OBI VEĻĀS KOMUĻĀ.  
ITŌDS NAMĪRS,  
ITŌDS NAGŪDS —  
SUŅS AR KAČI ĪNAIDĀ!  
ZŪSU TĒVINŠ  
KLĪDZ: — GĀ, GĀ! —  
GAIĻS IZ SĀTAS:  
— KĀ KAĻA KĀ!  
VŌRNA KŪKĀ:  
— KRĀ, KRĀ KRĀ! —  
... NU NAV LABI POGOLMĀ.





# **CYUKA NĀ!**

RUKŠAM RUKŠA MYUŽS:  
SYVĀNS, PUSCYUCS,  
CYUCS,  
I VYSU LAIKU GUĻ,  
DA ĀD, DA ĀD...  
I NASAPRŪTU, KAS TĪ ŠVAKS,  
KA PASOKA MAŅ REIZĒM:  
— TU KŌ SYVĀNS,  
CYUKU ZEIDS...  
— A SYVĀNS TOK IR BOLTS  
I TEIRS, I MEILS PAVYSAM.  
VĪNEIGI — VOI CYUKA  
GRYBU KĻYUT..?  
— TŌ NĀ!









## BUNKŠS


ĪGŌJU DŌRZĀ  
BREINUMU VĀRTŪS;  
VYSS, KAS BEJ ZAĻŠ,  
TĀDIN VOSKANS  
I VIŠKANS...  
ZŌLĒ ZĪDU VĪTĀ  
ŌBULI VŌĻŌJĀS...  
PĪSALĪČU —  
PAJIMT GRIBĒJU  
PŌRA ŌBUĻU,  
TE — PA PAKAUSI  
ĪSYTA — BUNKŠS —  
I SABYRA  
MAŅ AIZ APKAKLES  
BREINUMS...





## PATMAĻU DZĪSME

ŠŠŠŠ, ŠŠŠŠ, BRRR, BRRR...  
VĒJEŅ, PYUTĪS,  
SPŌRNENI, GRĪZITĒS!  
ŠŠŠŠ, ŠŠŠŠ, BRRR, BRRR...  
GRYUDENI, BĒRSTIT,  
AKMINI, SPĪDITĒS!  
ŠŠŠŠ, ŠŠŠŠ, BRRR, BRRR...  
SĀNOLAS, PUTIT,  
MILTENI, KRŌJITĒS!  
ŠŠŠŠ, ŠŠŠŠ, BRRR, BRRR...  
BĒRNENI, GAIDIT  
PLŌCIŅU, MAIZEITES!  
ŠŠŠŠ, ŠŠŠŠ, BRRR, BRRR...



# KŪ PAR SAULEITI NAZYNU

KURĀ PUSĒ SAULEITE LĀC?

— ZYNU!

KURĀ PUSĒ SAULEITE NŪRĪT?

— ZYNU!

NAZYNU TOIK — VYSU GARŪ DĪNU

KUR IR SAULEITES CEĻŠ?

— VYSU GARŪ DĪNU MAŅ

DARBENŠ DARBEŅU DZAN...

NAZYNU TOIK — KUR SAULEITE

SYLTUMU RŪN, KŪ MAŅ VYSU DĪNU DŪT?

— NAZYNU TŌ, JO VYSU DĪNU

NAVĀ LAIKA SAULEITĒ PASAVĒRT.






# VŌRNA

VŌRNA, VŌRNA,  
BŌBA KŌRNA,  
TOVU TROKŪ SOVVALI! —  
PAJAM SUŅA BĻŪDĀ KAULU,  
IZDZER KAČA ŠKEIVĪ PĪNU,  
RUKŠA SILĒ KŅŌBOJ GRYUDUS...  
VŌRNA, VŌRNA,  
BŌBA KŌRNA,  
TOVU TROKŪ SOVVALI! —  
NŪSASĀST IZ SĀTAS STOBA,  
PĪPYUŠ PUSPALĀKŪS BYUDUS  
I VEĻ ČĀRC: — GRĀKS, O GRĀKS ...  
VŌRNA, VŌRNA,  
BŌBA KŌRNA,  
TOVU TROKŪ SOVVALI! —  
NASABEIST NI KAČA, SUŅA,  
A NI POŠA VONOGA...  
STAIGOJ, VYSUS SYRDYNA...









## PĒRTSPAULE



KOTRA SASTDĪNE GAIDĪS  
AR PĒRTSPAULI —  
KORSTU, TEIRU I PLYKU.  
KOTRU SASTDĪNI  
PALĀKŌDAMS  
UZ PĒRTSPAULI SKRĪNU.  
KOTRU SASTDĪNI  
PĒRTĒ I NOMĀ  
PLYKS ĪMU.  
KOTRU SASTDĪNI  
TO AR PUIŠIM, TO MEITOM  
PĒRTĒ PERŪS.  
KOTRU SASTDĪNI  
SOVŪS I CYTU  
PLYKUMŪS VERŪS.  
KOTRU SASTDĪNI  
SEVI LYLU  
PĒRTSGORĀ CERŪS.

## SATURS

Raibī panti	3
Skaitamgobols	5
Putreņvārdi	7
Buramī vārdi	9
Rīpamī vārdi	11
Kas zemeiti apdzeivoj	12
Lidūneiši	14
Pavosoras jēreni	17
Nu nav labi pogolmā	19
Cyuka nā	21
Bunkšs	23
Patmaļu dzīsmē	25
Kō par sauleiti nazynu	27
Vōrna	29
Pērtspasaulē	31



**Ontōns Slišāns**  
**RAIBĪ PANTI**

**Mōkslinīks P. Gleizdāns**

Redaktore A. Rancāne

Tehniskais redaktors L. Širins

Korektors J. Elksnis

---

Nūdūta salikšonai 30.07.91. Paraksteita īspīšonai 05.08.91. Formāts 60X84t/l. Metiņs 4000 eks. Tipografijas papeirs Nr. 1. Literaturas garnitura. Ofsetspidums, 2 Īspīdlūksnes. Pas. Nr. 699. Cena 4 rb|. Latgolas Kultūras centra izdevnīceiba. 228100, Rēzeknē, Skūlas ilā 2—85. Salykta Rēzeknes tipografijas Viļānu filialē, 228150, Viļānūs, Ugunsdzēsēju ilā 1. Īspīsta Rēzeknes tipografijā, 228100, Rēzeknē, Uzvaras ilā 28.

Izdevējdarbības reģistrācijas aplīceiba Nr. 2—0131.



# MOZĪ I LELĪ BĀRNI !

Dzejnieks Ontons Slišāns mūsus vīsus aīcīnoj saīṭ kūpā vīnā barenī i paskaitāṭ jō raībūs panteņus. Gon pazapricōtīs, pazabreīnōtīs, gon pazaplāstīs i pazajauktīs — cikam naatīs borgīs vacīstāvs i napīsūlās pierīni.

Ai, kai nu māš bāgsim, kai nu skrīsim! Ōrā, nu pogolma, kur upis molā zalta veituly zīḑ i biteitis skraida, kur vīsa lelō, raībō, jaukō pasaulā ar pāleīṭom, vabaḷom, kūrmulim, sunim, kačim i bārnim. Dzejnieks ir kai lels bārns, kam pateik par tū vīsu pazapricōtīs.

Onton Slišāns dzeīvoj Bolvu pusī, Šķīlībānūs, i tī gon lelī, gon mozī runoj drusku sovaidōk kai bārnī Ludzā ci Rēzeknī. Kur Rēzeknī bārns teīktu: biteitis, tī Bolvu bārns — »bitīnes«. Kur Rēzeknī bārnī saceītu: »Kai māš skrām«, tī bolvanīts īzasauktu: »Kō mes skriejom!«, a jūs māmenīs saklīgtu »Tōdī pogōnī!«. Taida (tōda) ir mīsu, latgalīšu volūdenā — bogota, raiba i skaista.

Anna RANCĀNE

